

GrønlandsBANKEN, Aktieselskabimut
Malittarisassat

26. marts 2025

I. Aningaaseriviup siunertai angerlarsimaffialu

- § 1** GrønlandsBANKEN, Aktieselskab, 1967-imi pilersinneqartoq Kommuneqarfik Sermersuumi angerlarsimaffeqarpoq. Aningaserivik inuussutissarsiornermut Aqutsisoqarfimmi nr. 80050410-imik normoqarluni nalunaarsugaavoq.

Aningaaserivik aamma suliffeqarfittut ingerlatsivoq atimi saniatigut uku atit atortarlugit

Nuna Bank A/S (GrønlandsBANKEN, Aktieselskab)

The Bank of Greenland A/S, (GrønlandsBANKEN, Aktieselskab).

- § 2** Aningaaserivimmi aningaaserivittut taamatut suliaqarnermi sammineqartartut assiiginngitsut suulluunniit aningaaserivinnut inatsimmi akuerisaasut ingerlanneqarput.

II. Aningaaseriviup aningasaatai piginneqataassutitullu pigisai

- § 3** Aningaaseriviup aktiatigut pigisai kr. 180.000.000-iupput.

Aktiatullu aningasaatigisat tamakkiisut akilerneqarnikuupput.

Aktiatut pigisat immikkoortitaarput 100 koruuninut tamannalu tunngavigalugu amerlisaneq atorlugu agguataaganngortitaallutik.

Aktiaatit allanneqarfigivaat OMX Nasdaq Copenhagen nalunaarsorneqarpullu VP Securities A/S-imi.

- § 4** Aktiat nioqtissiaapput, atimut allanneqassallutik qanorluunniillu ilineratigut aningaaseriviup aktianut nalunaarsuiffiani ateq pineqartoq atorlugu allassimassallutik.

Aktiat tamarmik assigiimmik piginnaatitaassuseqarput.

Piginneqataasut arlaannaalluunniit pisussaataitaanngilaq aktiaatiminik ilaannakuusumik tamakiissumilluunniit utertitsilluni tunisinissaminut.

Aktiat nioqqutigineqarsinnaanerini killiliussaqaanngilaq.

VP Securities A/S-imi maleruagassiat malillugit iluanaarutisiassat tunniunneqartassapput.

- § 5** Siulersuisut pisinnaatitaapput piffissami 1. marts 2030 tungaanut ataasiarluni imaluunniit arlaleriaryluni atulersitsinikkut aktiaatit aalajangersimasumik 90.000.000 koruunit tungaanut qaffaanissaminut aalajangersimasumik katillugit 270.000.000 koruuninngortitsinissamut aningaasanik ikisinikkut, aningaaseriviup aktiaateqartuanut nalunaarsorsinnaatillugit.

Siulersuisut pisinnaatitaapput piffissami 1. marts 2030 tungaanut ataasiarluni imaluunniit arlaleriarluni atulersitsinikkut aktiaatit aalajangersimasumik 90.000.000 koruunit tungaanut qaffaanissaminut aalajangersimasumik katillugit 270.000.000 koruuninngortitsinissamut aningaaseriviup aktiaateqartuanut nalunaarsorsinnaatinnagit pisuni tulluuttuni:

1. Aktiat aningaasanik ikisinikkut niuerfimmi naliusumut killiligaanngitsumik neqeroorutigineqarpata,
2. Aktiat taarsigassarsianik taarsiinermi atugassanngortinneqarpata niuerfimmi naliusumut,
3. Aktiat akissarsiatut atugassanngortinneqarpata tamakkiisumik imaluunniit ilaannakortumik suliffeqarfimmik pioreersumik, imaluunniit pigisat nalillit aalajangersimasut naliusumut, aktiat niuerfimmi naliganut atugassanngortinneqartumut iluarsineqartunik tigusiinermi,
4. Aktiat atugassanngortinneqarpata niuerfimmi naliusumut aningaasanik ikisinikkut atulersitsinikkut, aningaaseriviup ineriartornissamut periarfissai eqqarsaatigalugit imaluunniit suliffeqarfimmik allamik suleqateqarnermikpilarsitsinissaq siunertaralugu.

Qulaani allassimasut pisinnaatitaaffiit naapertorlugit aktiaatinik qaffaanerni tamani tulluuttut atuupput:

1. Siulersuisut aktiamik pisinermi naliusoq aalajangissavaat, nalissaviatali ataajunngitsog, aamma aalajangersassavaat piffissaq kiisalu piumasaqaatit sinneri.
2. Aktiat nutaat ukiumi aktiasiffiup kingorna ukiumi naatsorsuusiorfiusumi siullermi iluanaaruteqalersitsissapput. Siulersuisut aalajangissavaat, piffissaq aktiasiffik eqqarsaatigalugu, aktiat nutaat ukiup aktiasiffiup ilaani iluanaaruteqaataasinnaanersut.
3. Aktianut, pisinnaatitaaffik una naapertorlugu atugassanngortinneqartunut, pisinnaati taaffiit, aningaasanngortitsisinnaaneq aamma tunisisinnaassuserlu eqqarsaatigalugit aktianut allanut malittarisassat atuuttut atuutissapput.
4. Aktiat nutaat ingerlatseqatigiiffimmi piginneqataassutaassapput, ateq ersissaaq kiisalu aningaaseriviup ejerbogiani nalunaarsorneqassallutik.

III. Elektroniskiusumik attaveqatigiinneq peqataanerlu

§ 6

Aningaaserivimmiit piginneqataasunut attaveqarneq ingerlanneqarpoq elektroniskiusumik pappialanik parlaassueqatigiinnertut aammalu elektronisk-imik allakkat atorlugit, aningaaseriviup nittartagaatigut imal./aammalu investorPortalen™ atorlugit aamma ataatsimeersuarnissamut oqaluuserisassat aggersaassutillu, siunnersuutit tamakkiisumik allatat, piginnaatitsissusiinermi immersugassat, ukiumut nalunaarusiat ilaat, ukiumut nalunaarut, piginneqatigiiffinnut nalunaarutit, nassuiaasiat, piserusuttut allattorsimaffii aammalu aningaaserivimmit piginneqataasunut ilisimatitsissutiginiakkat allat.

Piginneqataasut namminneq isumannaarniartussaavaat, aningaaseriviup elektroniskiusumik imminnut attaveqarnissamut atugassanik peqartinnissaa.

Aningaaseriviilli qaqugukkulluunniit aaliangersinnaavaa allakkat naligninnaasut attaveqatigiinnermi atorniarnelugit.

Piginneqataasunit aningaaserivimmut attaveqarniarneq aammalu ataatsimeersuarnermi peqataaniarneq elektronisk-imik ingerlanneqarsinnaapput InvestorPortalen™ aqutugalugu, email atorlugu imal. aktionær@banken.gl imal. shareholder@banken.gl. atorlugit attaveqarnikkut.

- § 7** Siulersuisut, siunertamut tulluartut teknikkikkullu akisussaasutut isigunikku, aalajangersinnaavaat aktiaatillit ataatsimeersuarnermut elektroniskiusumik peqataasinnaasut, imaluunniit ataatsimeersuarneq tamakkiisumik elektroniskiusumik najuunnissamut periarfissaqanngitsumik ingerlanneqassasoq. Aktiaatillit taamaasillutik ataatsimeersuarnermi elektroniskiusumik peqataasinnaapput, oqaaseqarsinnaapput taasisinnaallutillu. Siulersuisut taama aalajangiinissaq toqqassappagu, tamanna pillugu aningaaseriviup nittartagaani paasissutissat sukumiinerusut nassaarineqarsinnaassapput: www.banken.gl kisalu ataatsimeersuarnermut pineqartumut aggersaassummi.

IV. Aningaaseriviup aqunneqarnera

- § 8** Aningaaseriviup aqunneqarnera ataatsimeersuarternit, siulersuisunit pisortaatitamillu isumagineqassaaq.

A. Ataatsimeersuarneq

- § 9** Ilegquusumik ataatsimeersuarnerit ukiut tamaasa aprilip qaammataa naatinnagu ingerlanneqartarput.

Immikkut ittumik ataatsimeersuarnerit siulersuisut imal. ileqquusumik ataatsimeersuarnermi aaliangiinerit imal. ataatsimeersuarnermi aaliangiinerit imal. ataatsimeersuarnermi qinikkatut kukkunersuiisumit imal. piginneqataasunit, piginneqataassutsit tamakkiisut minnerpaamik 5%-inik peqartuusunit, immikkut ataatsimeersuartertoqarnissamik kissaatteqarpata pissaaq. Taamatut kissaatteqarneq siulersuisunut allaganngorlugu tunniunneqartassaaq nassuiaaserlugu ataatsimeersuarnermi suna suliassanngortinneqarumarnersoq.

Sammissaq aalajangersimasooq pillugu suliaqarnissamut immikkut ittumik ataatsimeersuarmissaq aggersaassutigineqassaaq, piumasarineqarneranit kingusinnerpaamik sapaatit akunneri marluk qaangiuppata.

- § 10** Ataatsimeersuarnerit tamarmik Nuummi ingerlanneqartassaput siulersuisunillu tamanna aningaaseriviup nittartagaatigut (www.banken.gl)-ikkut takussutissiarissavaat.

Aamma/imal. siulersuisut aaliangiinerat naapertorlugu qallunaat aviisii kalaallilu aviisii arlaqartut aqquutigalugit ilisimatitsissuteqarnikkut avammut saqqummiunneqartassaaq. Aggersaassummi ilaassapput ataatsimeersuarnerup qaqugukkut pinissaa sumiinnis-saalu, oqaluuserisassat, tassani ilassallutik ataatsimeersuarnermi suut oqallisigineqassa-sut. Aggersaassut ataatsimeersuarnissaq pitinnagu siusinnerpaamik sap.ak. tallimanik sioqqutsisumik kingusinnerpaamillu sak.ak. pingasunik sioqqutsisumik nassiunneqas-saaq.

Piginneqataassutaateqartoq kinaluunniit ataatsimeersuarnermi oqallisigineqarlunilu aali-angiiffigineqartussamik saqqummiussaqaarsinnaatitaavoq. Taaneqartutut siunnersuutit allakkatut suliaassapput siulersuisunullu tunniunneqartassallutik kingusinnerpaamik ata-atsimeersuarnissaq sap.ak arfinillit sioqqullugit. Aktiaatillit siulersuisunut ilaasortassatut siunnersuutaat ataatsimeersuarnissaq sioqqullugu kingusinnerpaamik sap. ak. Arfinillit tiguneqarsimassapput. Aningaaserivik piumasarisaasumit kingusinnerusukkut tigusaqaruni, taava siulersuisut aaliangissavaat, pisoq ima siusitsigisumik tunniun-neqarsimasoq, oqaluuserisassanut ilanngussisinnaaneq angumerineqarsinnaalluni.

Kingusinnerpaamik sap.ak. pingasunik ataatsimeersuarnissaq sioqqutsisumik, ataatsi-meersuarnermi oqaluuserisassat tamakkiisumillu siunnersuutaasut, ileqqusumillu ata-atsimeersuarnissamut atatillugu ukiumut nalunaarut kukkuner siugaasoq, taakkulu aningaaaseriviup qullersaqarfiani tamanit takuneqarsinnaasunngorlugit saqqumitin-neqassapput ingerlatinneqassallutillu piginneqataasumut kimulluunniit, piginneqataasut emailit aningaaserivimmut nalunaarutigisimasaat atorlugit.

§ 11

Piginneqataassutsinik peqartut kikkulluunniit ataatsimeersuarnermi peqataasinnaapput, peqataaniarnertik ataatsimeersuarnissaq ullunik pingasunik sioqqutsisumik nalunaaru-tigisimappassuk.

Peqataanissamut isissutissat paatsoorneqarsinnaanngitsumik uppersarsaasiinikkut Nu-ummi aningaaseriviup allaffianut aaneqarsinnaapput.

Aktiaatillit ataatsimeersuarnermi peqataanissamut kiisalu aktiaatillit aktiaataannut atatil-lugu taasinissamut pisinnaatitaaffii, ullormi nalunaarsuiffimmi, ataatsimeersuarnissamut sapaatip akunnerinnangorpat aktiaatillip aktiaatai naapertorlugit aalajangerneqartarput. Aktiaatillit aktiaataat taasisinnaassusaallu ullormi nalunaarsuiffimmi naatsorsorneqartar-put, piginneqataassutsit piginnittut allattuivianni nalunaarsorsimasut tunngavigalugit, ki-isalu piginneqataassutsit pillugit nalunaarutit, piginnittut allattuivianni ilanngunneqartus-satut aningaaseriviup tiguisimasai tunngavigalugit.

Piginneqataasut, isissutissamik tunineqarsimasut, ataatsimeersuarnermut takkussinnaa-pput piginnaatitsissut atorlugu aammalu siunnersorteqarlutik takkussinnaatitaallutik. Piginnaatitsissuserneqarsimasup allaganngorlugu ullulerlugulu tamanna takutissavaa. Piginnaatitsissuserneqarsimasoq piginneqataasut arlaqartut sinnerlugit takkuttoq,

piginneqataasut sinnikkani ataasiakkaat sinnerlugiut assigiinngitsunik taasisinnaavoq.

Piineqataasuli aamma ataasimeersuarneq pitinnagu allakkatigut taasisinnaapput.

Piginneqataassut 100 kr.-usoq taasineramik ataatsimik naleqarpoq.

§ 12 Ataatsimersuarnermi isumaqatiginniarnert siulersuisut aqutsisussatut toqqagaanit ingerlanneqassapput, qanoq suliassap ingerlannissaanik, taasissutigittinnissaanik aaliangiissusamik aammalu angusanik naliliisitsillunilu nalunaaruteqartussamik.

§ 13 Ilegquusumik ataatsimeersuarnermi oqaluuserisassat makkuninnga imaqaassapput:

- 1) Aningaseriviup ukiup siuliani ingerlaneranut Siulersuisut nalunaarutaat.
- 2) Ukiumut nalunaarummik kukkunersiugaasumik akuerisassanngortitsilluni saqqummiussineq aammalu siulersuisut pisortarlu akisussaajunnaartinnerannik nalunaaruteqarneq Kiisalu aalingiiffigisassatut sinneqartoorutit atornissaanik amigartoorutiluunniit matunissaannik ukiumut nalunaarut tunngavigalugu siunnersuut ilaassalluni.
- 3) Taamatut ittoqarpat siulersuisunit piginneqataasulluunniit malitassaanni § 9 –imi allassimasut naapertorlugit siunnersuutit.
- 4) Akissarsisitsisarneq pillugu nalunaarummik akuersinissamut missingiutitut taasineq.
- 5) Siulersuisuni ilasortassanik qinersineq.
- 6) Avataaniit kukkunersiuisussamik qinersineq, takukkit § 22-mi allassimasut.
- 7) Tamalaat.

§ 14 Sammineqartut ataatsimeersuartunit nalinginnaasumik amerlanerussuteqarneq atorlugu aaliangerneqartassapput, inatsisit imal. maleruagassiat allatut iliornissamik inassusiisut pineqanngippata.

Aningaaseriiviup malittarisassaanut allannguutissanik, inatsisini malitassat naapertorlugit siulersuisunit ingerlanneqarsinnaanngitsunik imal. maleruagassat naapertorlugit sukanernerusunik piumasaqaateqartoqarsinnaatinnagu, siunnersuutit akuerineqassatillugit, piumasaqaataavoq, taasisut 2/3-iinit akuersisoqarnissaa aammalu taasissutit aktiaatit aallavigalugit taasisinnaatitaasut 2/3-iinit siunnersuut akuersaarneqarpat.

Immikkullu piumasarisaavoq, pineqartillugu siunnersuut saqqummiunneqarsimanngitsoq imal. siulersuisunit akuerineqarsimanngitsoq, taava aktiaatillit tamarmiusut 2/3-iisa ataatsimeersuarnermi najuunnissaat piumasarisaavoq. § 14, mm. 4 maleruagassani ittoq allanngortinneqassappat, taava aaliangiinissaq pissaaq tassunga atatillugu

maleruagassiaasut naapertorlugit.

Aningaaserivik aningaaserivittut unissasoq aaliangerneqassappat allamik suleqateqaler-nikkut imal. nammineq unittussanngortinnikkut, taava piumasarisaavoq taasisut 3/4-iisa akuersinissaat taamatullu aamma aktiaatillit pigisaasa tamarmiusut 3/4-iisa akuersinis-saat. Siunnersuut saqqummiunneqarsimannigippat imal. siulersuisunit akuersaarneqars-manani, taava aamma piumasarisaavoq, ataatsimeersuarnermi aktiatigut pigisaasut peqataasut 3/4 -iisa akuersinissaat.

§ 15 Ataatsimeersuarnermi isumaqatigiinniarnert protokol-imut allanneqassapput, aqutsisu-mik atsiorneqarlutik.

Ataatsimeersuarnerup kingorna kingusinnerpaamik ullut 14-it iluini ataatsimeersuarnermi allattuiffik imal. taassuma assiliner atsiugaq aningaaseriviuup nittartagaani taku-neqarsinnaasunngorlugu nivinngarneqassaaq.

B. Siulersuisut

§ 16 Siulersuisunut ilaasortat ataatsimeersuartunit qinnerneqassapput, taamaallaat ilaasortat pinnagit. Inatsisini maleruagassiat naapertorlugit siulersuisunut sulisut sinnerlugit ilaa-sortaasut. Ataatsimeersuarnermi siulersuisunut ilaasortassatut qinigaasut ikinnerpaamik tallimaassapput amerlanerpaamillu quliusinnaallutik.

Ukiut tamaasa siulersuisunut ilaasortat ataatsimeersuartunit qinigaanermi ulloq aallaavi-galugu, isertinneqarnikuusut sivisunerpaamillu issiasimasut, pingasut tunuartassapput. Ilaasortat sivisoqatigiimmik issiasimasut akornani tunuartussat makitsinikkut aalianger-neqartassapput.

Ilaasortalli tunuartut qineqqinneqarsinnaatitaapput.

§ 17 Siulersuisut iluminni siulittaasussamik qinersissapput ammalu tullersortissaanik ataatsi-mik marlunnilluunniit qinersissallutik. Siulittaasoq ataatsimiinnermi peqataanngitsillugu siulittaasumut tulliusut arlaat siulittaasunngorallartassaaq. Siulittaasoq tuliillu ataatsikkut peqataasinnaanngitsillugit ataatsimeersuarnermi qinigaallutik siulersuisuni ilaasortaasut akornanni sivisunerpaamik issiasimasoq siulittaasuugallartassaaq.

Siulersuisut siulittaasup aggersaaneratigut ataatsimiittassapput taassumalu peqanngin-nerani siulittaasup tullia aggersaatillugu ataatsimittassallutik. Ataatsimiinnerit pisassapput siulittaasup nalilliineri malillugit imal. siulersuisuni ilaasortamit, anngaaserivimmi pisorta-mit, ataatsimersuarnermi toqqagaalluni kukkunersuiusumit imal. illup iluani kukkunersi-uisuusumit ataatsimiinnissaq kissaatigineqartillugu.

Siulersuisut aaliangiisinnaatitaapput, ilaasortat tamarmiusut affaat sinnerlugit peqataasoqartillugu, kisiannili minnerpaamik ataatsimeersuarnermi qinigaasut ikinnerpaamik affaasut sinnerlugit peqataasoqartillugu.

Aaliangiinnerit naligninnaasumik amerlanerussuteqarneq tunngavigalugu pisassapput, al-latut pinissaq malittarisassani imal. inatsisini piumasarineqanngippat. Taasinermi naligiit-toqartillugu Siulittaasup, taartaasullu peqartinnagu, taasinera aaliangiisuusassaaq.

Ataatsimiinnerit allattuiffimmut imaqarniliuunneqartassapput kingorna siulersuisuni ilasortanit atsiorneqartumik.

§ 18 Siulersuisut pisortassanik toqqaallutillu soraarsitsisinnaapput aamma illup iluani kukkurnersiuisussamik kiisalu atorfinitsitsineri tunngavissanik aaliangiisarlutik.

§ 19 Siulersuisut suleriaatsiminni suliap qanoq ingerlanneqanissaanik aaliangersaasinnaapput.

Suleriaatsimi suliassat immikkuullarissut siulersuisuni ilaasortanut ataasiakkaanut arlaqartunulluunniit aamma forretningsudvalgimut tunniunneqarsinnaapput.

Siulersuisuni ilaasortat akissarsitinneqartassapput ataatsimeersuarnermi akuerisaasut tunngavigalugit ukiumut nalunaarutip akuerineqarnerata kingorna tunniunneqartussanik.

C. Pisortaqarneq

§ 20 Pisortap ulluinnarni niuernertut ingerlatsineq aqutarissavaa, taassumalu ataani aamma aningaaserivimmi sulisunik atorfinitsitsisarneq soraarsitsisarnerlu ingerlatissallugit, Siulersuisullu pisortap suleriaasissai aalingertassavaat.

Pisortaqarfik ataatsimiik pingasunut inuttaqarsinnaavoq.

V. Aningaaseriviup atsiornikkut aaliangiisinnaatitaanera

§ 21 Aningaaserivik atsiornikkut pisussaatitaalersinnaavoq siulittaasoq imal. siulittaasup tullia siulersuisuni ilaasortamik peqateqarluni, pisortat marluk peqatigiillutik imal. siulersuisuni ilaasortaq pisortaq peqatigalugu atsiuisuutillugit.

VI. Kukkunersiuineq naatsorsuutinillu nammassinninneq

§ 22 Aningaaseriviup ukiumut nalunaarutaa kukkunersiorneqassaaq inatsimmi atuuttumi pi-
umasarisaasut naapertorlugit. Kukkunersiuineq pisassaaq kukkunersiuisoq ataaseq imal.
arlaqartut, ukiumik ataatsimik atuuttumik qinigaasut, kukkunersiuisoralugit.

§ 23 Aningaaseriviup ukiumut naatsorsuutai ingerlassapput ukiup qaammatai malillugit.

Qulaani malittarisassatut allanneqartut Aningaaseriviup 26. marts 2025 ataatsimeersuarnerani
akuerineqarput.

Siulersuisunit:

Gunnar í Lida
Siulittaasq

Kristian Frederik Lennert
Siulittaasup tullia

Maliina Bitsch Abelsen

Niels Peter Fleischer Rex

Peter Angutinguaq Wistoft

Tulliaq Angutimmarik Olsen

Pilunnguaq Frederikke Johansen Kristiansen